

## **Elevatorinut, amoortaatinut, majuartarfinnut kaavittunut, pisuffinnut kaavittunut assigisaannullu Kalaallit Nunaannut . nalunaarut**

Kalaallit Nunaanni sullivimmi avatangiisit  
pillugit inatsimmi § 29, § 37, § 46, § 56, § 57 aam-  
ma § 67 najoqqutaralugit aalajangersarneqar-  
poq:

### **Kapitali 1**

#### *Pineqartut nassuaatillu*

##### **§ 1. Nalunaarummi pineqarput:**

- a) Elevatorit amoortaatillu inunnut aamma/ imaluunniit assartugassanut naatsorsuussat.
- b) Majuartarfiit kaavittut, pisuffissiat kaavittut assigisaalu inuunnut naatsorsuussat.
- c) Atortut allat nivingaannangitsunik kivit-  
sissutit appartisissutilluunniit, taakku pil-  
luginnuk nakkutilliisoqarfuiup pisor-  
taa erseqqinnerusumik aalajangiisinnavaq  
teknik-kip tungaatigut malittarisassalior-  
nermi atortut ataasiakkat qanoq ittunerat  
sananeqarneralluunniit pillugit, tak. § 18.

*Imm. 2. Nalunaarutip atortinneqarnerani  
nassuaatit makku tunngavigineqassapput:*

*Elevatorit amoortaatillu:* Assartuut ilisivimmik,  
lastimik assigisaanilluunniit assartuutitalik aa-  
lajangersimasumik aallartarfearlunilu unit-  
tarfeqartoq aalajangersimasumik aalajangersi-  
makannersumilluunniit napparissumik uvi-  
ngasumilluunniit aqqutilik.

*Majuartarfiit kaavittut:* Assartuut mekaniski-  
mik ingerlateqartoq assartuuta tummarfilik  
kaavittuaannartoq uvingasumik qummut am-  
mulluunniit ingerlasoq.

*Pisuffissiat kaavittut:* Assartuut mekaniskimik  
ingerlateqartoq tummarfeqangitsumik qite-  
qutausamik saattukujuunilluunniit kaavittu-  
aannartumik assartuutilik uvingasumik qum-  
mut ammulluunniit imaluunniit makittarissu-  
mik ingerlasoq.

*Imm. 3. Nalunaarummi oqaaseq »elevatori  
il.il.« atorneqartillugu assartuutit suulluunniit  
§ 1, imm. 1-imti taaneqartut pineqarput.*

### **Kapitali 2**

#### *Sananeri inissiternerilu*

**§ 2. Elevatorit il.il. atortuilu ima sananeqar-  
simassapput, suliarineqarsimassapput, atortu-  
lersorneqarsimassapput, inissiterneqarsimas-  
sapput aamma isumannaarsagaassapput, aar-  
lerinaateqanngilluinartussangorlugit.**

*Imm. 2. Sananermi inissiterinerilmilu nakku-  
tigilluarneqassaaq silataaniit sunniutaasinnaa-  
sunut navianartunut illersugaalluarnissaat  
aamma paarsinerit, aserfallatsaaliinerit iluar-  
saannerilu navianaateqanngitsumik ingerlan-  
neqarsinnaanissaat.*

*Imm. 3. Atortut atorneqartut naleqquttuus-  
sapput uuttortagaassallutillu sunniutinut na-  
laanneqarsinnaasunut ajoquserneqartussaa-  
junnaarlugit sanaajussallutik.*

*Imm. 4. Maskiinat ingerlatit, atortut, motorit  
kaavittuisa initaannut aamma slluata ammar-  
tartuanut aqqutissat aarlerinaateqanngitsumik  
aaqqissugaassapput.*

*Imm. 5. Ininut imm. 4-mi taaneqartunut init*

allat elevatorimut attuumassuteqanngitsut aq-  
qutigineqarsinnaasuuussaanngillat.

**§ 3.** Elevatorit il.il. erseqqissumik ataavartus-  
samillu allagartaqassapput suunerannik sana-  
neqarnerannilu paassisutissartalinnik, nivin-  
ngaavigineqassallutillu maleruagassat malillu-  
git atorneqarnissaannut nakkutigineqarnis-  
saannullu sullivinnik nakkutilliisoqarfip pi-  
sortaanit aalajangersarneqarsimasunik, tak. § 18.

*Imm. 2.* Nalunaaqutsiussaq erseqqissumik  
inissinneqarsimassaqq ineqqami nivinnga-  
vimi assigisaaniluunniit.

*Imm. 3.* Allamik nalunaaqutsiisoqassanngi-  
laq, allagarsiisoqarani allagartaliisoqarani-  
luunniit elevatorip sumut killinneranut nalu-  
naaquaanngitsumik sullivinnik nakkutilliiso-  
qarfip akuersissutigingisaanik.

**§ 4.** Elevatorimik nioqquqteqartup, attartuisi-  
sisup, atukkiisup, nammineq elevatoriliortup  
elevatorimilluunniit il.il. allangortiterisup  
isumagissavaa elevatorip il.il. atortusanngor-  
lugu tunniunneqarnerani nalunaarusiariineqar-  
simasumi uani maleruagassat malillugit sana-  
neqarsimanissa inisshitinerneqarsimanissaalu.

*Imm. 2.* Atorneqarnissaanut, paarineqarnis-  
saanut aserfallatsaaliorneqarnissaanullu ilit-  
sersuut kalaallisooq qallunaatoorlu elevatorip  
tunineqarnerani ilanngunneqassaaq.

### Kapitali 3

#### *Atorneqarneri passunneqarnerilu*

**§ 5.** Elevatorit il.il. atorneqarfissaannaannut  
atorneqassapput navialiffiunngitsumillu ator-  
neqarlillu passunneqassallutik.

*Imm. 2.* Assartugassanik usisaatitut elevato-  
rit 18-it inorlugit ukiulinnit ingerlanneqaratillu  
pallinneqassanngillat.

*Imm. 3.* Elevatorit artukkerlugit immerne-  
qassanngillat, usinut assartuutitai equtillugit  
inissinneqassanngillat, assartugassanik usisaat-  
titut elevatorit inunnik ilaasoqassanngillat as-  
sartugassanilluunniit assartuutitaatiguunngit-  
soq inissiisoqarani, elevatorilluunniit allatut  
atornerlunneqassanatik.

*Imm. 4.* Inuit amerlanerpaaaffissaannik, as-  
sartukkat annertunerpaaffissaannik il.il. alla-  
garsiussaq malinneqassaaq.

*Imm. 5.* Elevatorit il.il. isumannaallisaatitut  
atortui atortuilu allat innarlerneqaratillu pas-  
sunneqassanngillat.

*Imm. 6.* Nalunaarut manna najoqqutaralugu  
allagartaliussat, allagarsiussat il.il. teknik- kik-  
kulluunniit paassisutissatut allagartaliussat sa-  
niatigut allagartaliisoqassanngilaq sullivinnik  
nakkutilliisoqarfik akuersiteqqaartinnagu.

**§ 6.** Elevatorinut sulluliat killingi, ikorfisi-  
maffii, quassuttuujusai atortuilu allat sullivinnik  
nakkutilliisoqarfik akuersiteqqaartinnagu  
sullivissanik ikaajusaliorfingineqassanngillat,  
amoortaatiilorfigineqassanngillat assigisaan-  
nilluunniit ikkussivigineqassanngillat elevato-  
rit iluarsarnissaannut, suliarineqarnerannut  
misissorneqarnerannulluunniit atortussaan-  
ngitsunik.

### Kapitali 4

#### *Paarineqarneri, misissorneqarneri iluarsarneqarnerilu*

**§ 7.** Elevatorip piginnituata nakkutigisus-  
saavaa nalunaarut manna taanalu tunngaviga-  
lugu malittarisassat naapertorlugit elevatorip  
il.il. atortuisalu isumannaatsumik paarineqar-  
nissaat aserfallatsaalineqarnissaalu.

*Imm. 2.* Elevatori il.il. attartorneqarpat alla-  
tulluunniit tunniunneqarluni tigusisup pisus-  
saaffigilissavaa.

**§ 8.** Maskiinamut ingerlatsumut, motorip  
kaavittuanut sulluanullu ammartartut il.il. par-  
naarsimaneqassapput. Taakkununnga aqquit  
torersuussapput aqquтиkkuminartuullutillu.

*Imm. 2.* Init elevatorimut il.il. atasut, tassu-  
nga ilanngullugu sullua elevatorimut tunnga-  
sunuunnaq atortoqartinneqassapput.

**§ 9.** Elevatorimik piginnittup imaluunniit  
atusup akisussaasup (tak. § 7, imm. 2) isuma-  
gissavaa elevatorip inummit piukkunnartumit  
tatiginartumillu, isumannaallisaataanik, mas-  
kiinamik ingerlatsumisanik, qullilersorneranik  
kalerrisaarutaanillu ilisimannluuartumik,  
ataavartumik nakkutigineqarnissa.

*Imm. 2.* Nakutiginnittup arajutsinaveer-  
saassavaa elevatorip ineqqallu tassunga ata-  
sut torersuunissaat aamma elevatorip il.il. ator-  
neqarnerani passunneqarneranilu malittarisas-  
sat malinneqarnissaat. Taassuma piginnittoq  
imaluunniit akisussaasutut atusoq nalunaarfis-  
gissavaa ajoqutit amigaatilluunniit erniinnaq  
iluarsineqarsimannngitsut pillugit, pisariaqar-  
pallu elevatori unitsissinnaallugu, tak. § 12.

**§ 10.** Minnerpaamik qaammammut ataasiar-luni elevatori il.il. immikkut ilisimasalimmit sullivinnik nakkutiliisoqarfimmit akuerisaasumit misissorneqartassaaq.

*Imm. 2.* Pisariaqarsorinarpat sullivinnik nakkutiliisoqarfipu akulikinnerusumik misissui-sarnissaq piumasarisinnaavaa.

*Imm. 3.* Misissuisoq misissuinermut atatillugu atsiukkaminik nalunaarusiortassaaq male-ruagassat sullivinnik nakkutiliisoqarfipu pi-sortaanit aalajangersarneqarsimasut malillu-git. Nalunaarusiaq misissuisup sullivani sivi-kinnerpaamik ukiuni pingasuni toqqortarine-qartassaaq, piumasarineqarpallu sullivinnik nakkutiliisoqarfimmut tunniunneqassalluni. Nalunaarusiapi assinga elevatoreqarfimmi sivi-kinnerpaamik ukioq ataaseq toqqortarineqar-tassaaq.

*Imm. 4.* Misissuinermi amigaateqarpat pis-susissamisuunngitsoqarluniluunniit misissuin-nerup naammassineqarnerani iluarsineqarsi-manngitsunik nalunaarusiapi assinga aamma piginnittumut atuisumulluunniit akisussaasumut tunniunneqassaaq (tak. § 7, imm. 2).

**§ 11.** Sulliviuup namminersorluni elevatori-mik il.il. misissuisup annertuumilluunniit ilu-arsaasup ilitsersuinermi misissuinermilu nakkutigissavaa suliap aarlerinanngitsumik inger-lanneqarnissaa, elevatorillu il.il. sularineqar-nerata naammaassineqarnerani nalunaarut manna taannalu tunngavigalugu malittarisas-sat malilliugit naammassinnissimanissaa.

*Imm. 2.* Iluarsaneq aserfallatsaaluiuinermiluunniit suliaqarneq elevatorip il.il. ilaanna-anut tunngappat suliaqartup nakkutigissavaa elevatorip il.il. ilaasa ajoquteqartup suliap naammassineqarnerani maleruagassat malillu-git iluarsineqarsimanissaat.

**§ 12.** Elevatori il.il. atortuiluunniit naviana-teqarsinnaasunik ajoquteqarpat amigaateqar-palluunniit elevatori erniinnaq atorunnaarsin-neqassaaq. Aatsaallu atorneqaqqilissalluni isu-mannallisaanerup tungaatigut aarlerinaateqa-runnaarpat.

**§ 13.** Elevatori il.il. atorunnaarsinneqarsima-tillugu, misissorneqartillugu imaluunniit iluar-sneqartillugu erseqqissumik allagarsiivigine-qassaaq isaariaani assartuutitaanilu tamani.

*Imm. 2.* Elevatorimik unitsitsisup, misissui-sup iluarsasalluunniit allagartalersuinissaq isumagissavaa.

*Imm. 3.* Sullivinnik nakkutiliisoqarfipu pi-sortaata aalajangersagaa malillugu allagarsius-sassat ilusilerneqassapput.

*Imm. 4.* Misissuisup iluarsasalluunniit pas-sussisimanerup taarsiinerulluunniit kingorna suiliap naammassineqarnerani peqqussutinut naapertuuttuunissaa atorsinnaanissaalu nakkutigissavaa.

## Kapitali 5

### *Nalunaarutiginninneq, misissuineq misilittaanerlu*

**§ 14.** Elevatori il.il. nutajutillugu tunniun-neqarnerani imaluunniit allangortinnejcarne-rani nuunneqarneraniluunniit tunisisup, sulia-rinnittup, iluarsasup attartuisitsisup il.il. isu-magissavaa:

- 1) elevatorip immersuinikkut kinalu nakkutili-suunersoq ilisimatitsissutigalugu nalunaarutigineqarnissaa, tak. § 10, sullivinnik nakkutiliisoqarfimmut nassiunneqartussamik (immersugassaaq nakkutiliisoqarfimmi pineqarsinnaavoq), aamma
- 2) isumannaassallugu elevatorip il.il. sullivinnik nakkutiliisoqarfimmut misissorneqarnissaa misiligarneqarnissaalu isumannaats-suunissaanut akuerineqartussanngorlugu.

*Imm. 2.* Piginnittup akisussaalluniluunniit atuisup (tak. § 7, imm 2) qularnaassavaa sullivinnik nakkutiliisoqarfipu allaganngorlugu akuersissuteqarallarnissaa aamma misissuinisamik misilittaanissamillu sullivinnik nakkutiliisoqarfipu isumaqatigiissuteqarfiginissaa. Nakkutiliisoqarfipu atuinissamut akuersissu-taa elevatorip assartuutaani nivingatinneqas-saaq misissuereernissap misilittaareernissallu tungaanut.

*Imm. 3.* Sullivinni isumannaallisaanerup peqqinnissallu tungaatigut annertuumik navialiffiusinnaasuni, elevatori il.il. ikkusuunne-qannginnerani isumannaannerunissaa siuner-talarlugu sullivinnik nakkutiliisoqarfipu pisor-taa aalajangersasinaavoq, inissifissaanut qanorlu inissinnissaanut paassisutissanik pisariaqartunik nakkutiliisoqarfimmut oqaaseqaateqarfisassanik saqqummiussisoqarnissaa su-liissaq aallarnertinnagu.

**§ 15.** Misissuisoqarlunilu misilittaasoqartas-saaq ukiunik marlunnik, sivisunerpaamilli qaammatinik 30-nik, akuttussusilimmik. Pis-sutsit tunngavigalugit pisariaqarpat nakkutiliisoqarfipu piumasarisinnaavaa akulikinneru-

sumik misissuisarnissaq misilittaasarnissarlu. Misissuinermi misilittarnermilu sullivinnik nakkutilliisoqarfik uppernarsaammik tunniusaqartillugu uppernarsaatip piffissami atuuffis-saa allanneqartassaaq.

*Imm. 2.* Piffissap pineqartup qaangiunnerani misissusoqaranilu misiligaasoqarsimanngip-pat piginnitup akisussaalluniluunniit atuisup (tak. § 7, imm. 2) elevatorip il.il. atorneqarun-naarnissaa isumagissavaa.

*Imm. 3.* Misissuinissamut misiligaanissa-mullu piffissaq sullivinnik nakkutilliisoqarfim-mit aalajangerneqartassaaq piginnittorlu aki-sussaalluniluunniit atuisoq (tak. § 7, imm. 2) minnerpaamik ullunik 14-inik siqqullugu na-lunaarfigisassallugu. Piginnittoq akisussaallu-niluunniit atuisoq pisussaavoq misissuinissamut nammineq aklilikaminik piareersaataasun-ik piffissaq eqqorlugu aaqqissuisitsinissami-nut, pisariaqartitsinerlu naapertorlugu ikior-taasoqartitsinissaminut.

*Imm. 4.* Sullivinnik nakkutilliisoqarfik qanoq ilisukkulluunniit nalunaaqqaarani eleva-torinik il.il. misissuisinnaatitaavoq.

**§ 16.** Elevatori atorunnaassatillugu piginnit-toq akisussaalluniluunniit atuisoq (tak § 7, imm. 2) immikkoortortaqarfittut sullivinnik nakkutilliisoqarfisamut allaganngorlugu na-lunaaruteqassaaq uppernarsaateqarpallu taan-na utertillugu.

*Imm. 2.* Sullivik misissuisorisartagaq allamik taarserneqartillugu ullut 14-it qaangiutsinnagit piginnittumit akisussaalluniluunniit atuisumit (tak. § 7, imm. 2) nakkutilliisoqarfimmumt allaganngorlugu nalunaarutigineqassaaq.

*Imm. 3.* Sullivik elevatorinik il.il. misissui-sartoq misissuisaaruuni, taava ullut 14-it qaa-angiutsinnagit tamanna nakkutilliisoqarfimmumt nalunaarutigissavaa.

*Imm. 4.* Elevatori il.il. allamik piginnittooq-a-ler tillugu piginittunngortoq ullut 14-it qaangi-utsinnagit sullivinnik nakkutilliisoqarfimmumt allaganngorlugu nalunaaruteqassaaq.

*Imm. 5.* Elevatorimik il.il. ajutoornerit ajut-tooqqajarnerillu piaartumik piginnittumit aki-sussaalluniluunniit atuisumit (tak. § 7, imm. 2) nakkutilliisoqarfimmumt nalunaarutigineqas-sapput.

**§ 17.** Nalunaarut, imaluunniit nalunaarut manna naoqqutaralugu teknik-kikkut malittarisassiat tunngavigalugit sullivinnik nakkutil-

liisoqarfip misissuinerinut misiligaarnerinul-luunniit akiliutissat sulisartoqarnermi ministerimut aalajangersarneqartut malillugit, elevato-rimut piginnittumit akisussaalluniluunniit atui-sumit (tak. § 7, imm. 2) akilerneqartassapput.

## Kapitali 6

### *Erseqqinnerusumik malittarisassat*

**§ 18.** Sullivinnik nakkutilliisoqarfip pisor-taa elevator-it sananeqarnerinut, inissiterneri-nut, akuerineqarnissaannut nakkutigineqarnis-saannullu nalunaarut tunngavigalugu erseq-qinnerusunik malittarisassiorsinnaatitaavoq, taamatullu paarineqarnissaannut misissor-neqartarnissaannullu malittarisassanik tapiuta-aussanik pilersitisinnaalluni.

*Imm. 2.* Pisortaq aamma akuersissutinut nakkutiginninnermullu akuersisartussanik ka-pitali 5 pillugu malittarisassiorsinnaavoq.

*Imm. 3.* Nakkutilliisoqarfip pisortaa na-lunaarutip aalajangersagartaasa qanoq naam-massineqarnissaannut unnersuususiorsinnaa-voq.

## Kapitali 7

### *Immikkut akuersissuteqarneq aamma naammagittaaliutuit*

**§ 19.** Sullivinnik nakkutilliisoqarfip pisor-taa nalunaarummik taannalu tunngavigalugu teknik-kikkut malittarisassanut allatut aalaja-ningiisinaatitaavoq, tamanna isumannaatsuul-lunilu naleqqussorinarpat.

**§ 20.** Nakkutilliisoqarfittut immikkoortortaqarfip aalajangiussai nammaginngikkaanni nakkutilliisoqarfip pisortaanut, aalajangiun-neqarneriniit sap. ak. arfineq pingasut qaangi-utsinnagit, naammagittaaliutigineqarsinaap-put.

*Imm. 2.* Pisortap aalajangiussaa naammagin-ngikkaanni sulisartoqarnermi ministerimut, sap. ak. arfineq pingasut qaangiutsinnagit, naammagittaaliutigineqarsinnaavoq.

*Imm. 3.* Elevatoriip il.il. atornissaanut iner-teqquteqaatit aalajangiussaq, naammagittaaliutigineqarnerata nalaani atorunnaarsin-neqarallarsinnaanngilaq. Aalajangiussat allat, piffisaritaasumi naammagittaaliutigineqar-tut, atorunnaarsinneqarallarsinnaapput, naam-magittaaliorfiusup aalajangiussaqarnissaanut imaluunniit allatut aalajangernissaanut.

*Imm. 4. Pisariaqavissorinarpat aalajangius-simasatut naammagittaalliuut naammagittaalliorfigineqartumit atorunnaarsinneqarallarsin-naavoq naammagittaalliorfissatut piffissariti-taasut imm. 1 aama 2-mi taaneqartut qaangiut-tereeraluartut.*

## Kapitali 8

### *Pillagaasinnaanermut aaqqissuussineq*

**§ 21.** Inatsisit allat malillugit unioqqutitsineq pisimanngippat, taava makkuninnga unioqqutitsisoq akiliisussanngortinneqassaaq  
 1) §§ 2-13, § 14, imm. 1-2, § 15, imm. 1-3 aamma § 16,  
 2) nalunaarummi § 18 najoqquutaralugu male-ruagassanik aalajangersakkanik, imaluunniit

3) nalunaarut manna najoqqutaralugu peq-  
 qussutinik inerteqquteqaatinilluunniit.

*Imm. 2. §§ 5-8, § 9, imm. 1, § 10, imm. 1-2, §§ 12-13, § 14, imm. 2, § 15, imm. 1-3 aamma § 16, imm. 1-2 aamma imm. 4-5, unioqqutinnejartil-lugit sulisitsisoq akisussaatinneqassaaq piaara-lunneertutut misissuatuusutulluunniit sulisit-sisumut tutsinneqarsinnaanngikkaluarpat.*

**§ 22.** Piginneqatigiiffit (aktie-, anparts-aam-ma andelseskaber) imaluunniit allat taamatut ittut unioqqutitsippata, taava taakku akilisita-sinnaapput. Kalaallit Nunaanni kommunal-bestyrelsit bygderädillu il.il. pillugit inatsisar-tut inatsisaanni § 57-imik namminersornerullu-tik oqartussat, kommunit kommunilluunniit peqatigiitsillugit aamma taamatut akiliisussan-gortitaanermik pineqaatissineqarsinnaapput.

**§ 23.** Nalunaarut atulerpoq 1. april 1992.

*Arbejdsministeriet, den 26. februar 1992*

KNUD ERIK KIRKEGAARD

/ Henrik Grove

*Sulisartoqarnermut ministereqarfik,  
 ulloq 26. februar 1992*

KNUD ERIK KIRKEGAARD

/ Henrik Grove